

الدرس) 30 (| #مفاتيح_خزائن_الله | "دورة تدبرات في سورة الفاتحة" | د. حازم شومان

حازم شومان

الحمد لله حمداً كثيراً طيباً مباركاً فيه. كما ينبغي لجلال وجهه وعظم سلطانه الحمد لله. الحمد لله حمداً كثيراً طيباً مباركاً فيه غير مكفي ولا مكفور ولا مودع ولا مستغنى عنه ربنا. اللهم اطعمت وسقيت واغنيت وهديت - [00:00:01](#)

لو اجتبنت فلك الحمد على ما اعطيت. اللهم لك الحمد كله ولك الملك كله وبيدك الخير كله. واليک يرجع الامر كله اللهم صل على عبده ونبيك محمد صلى الله عليه وسلم. في الاولين والآخرين وفي كل وقت وحين. اما بعد. اخواني واحبابي في الله سورة الفاتحة - [00:00:25](#)

من اعظم سور القرآن لأ هي اعظم سور القرآن هي اعظم ما نزل من السماء الى الارض. هي اعظم ما انزله الله في القرآن والتوراة والانجيل والزبور كما ثبت عن النبي صلى الله عليه وسلم. سورة الفاتحة يا اخواني سلال مفاتيح. يعني انا بديك ايه؟ سلاسل مفاتيح. اربع سلال مفاتيح - [00:00:45](#)

نتكلم عنهم الان. اول سلسلة سلسلة مفاتيح النجاح في الحياة. هي بتفتح لك هي فاتحة لايء؟ هي بتفتح ايء؟ هي بتديك مفاتيح اول حاجة مفاتيح النجاح في الحياة. اللي عايز ينجح في الحياة يتعلم من سورة الفاتحة. سورة الفاتحة بتديك قواعد ان تكون انسانا ناجحا في الحياة - [00:01:05](#)

او زي ما قلنا اخواني من ضمن المآسي اللي احنا عايشينها ان احنا مش عارفين نتعلم من الدين قواعد النجاح في الحياة. والله يا جماعة ما فيه مبدأ في القرآن او السنة - [00:01:25](#)

من قواعد النجاح في الحياة القواعد دي كلها انا بجمعها في حاجة اسمها التربية العقلية. التربية العقلية اللي هي قواعد اللي هي لو خدها طالب يبقى ناجح في دراسته. لو خدها واحد حرف بيصلح سيارات او اي حرفه يبقى ناجح في حرفته. لو خدها داعية يبقى ناجح في دعوته. لو خدها طالب - [00:01:35](#)

حلم يبقى ناجح في طلبه. النجاح قواعد واحدة في الدين وفي الدنيا. عند المسلم والكافر. النجاح دي اسمها التربية فسورة الفاتحة فيها تربية عقلية فيهم زورو تهيره. سورة الفاتحة بتتنقلك من صفر لبطل من الابطال. فيها قواعد رمزية - [00:01:55](#) سيرروا طهيروا ازاى تبقى انسان بطل من ابطال الحياة؟ هو الدين بيعملنا النجاح؟ هو انا مش بروح بتتوع التنمية البشرية و بتتوع علم الادارة و بتتوع الكوتشينج والميتسا كوتشرنج و بتتوع تعديل السلوك و بتتوع اضطرابات الشخصية و بتتوع الارشاد الاسري و بتتوع العلاج النفسي و بتتعلم من - [00:02:15](#)

دي كلها من علوم المساعدة بيسموها علوم المساعدة. الدين ما بيسمهوش علوم المساعدة. شايفين الكارسة اللي احنا فيها وبروح لهذه العلوم كلها بتاعة العلاج النفسي والارشاد الاسري والادارة والتدريب وتنمية المهارات عشان ابقى انسان ناجح. وبعد كده اجي لكم في المسجد بقى. القواعد اللي انا اتعلمتها في دورات - [00:02:35](#)

التنمية البشرية والادارة. اجي ابقى ناجح بقى في الدين. يا جماعة الاية اتعكست والله. احنا بنتعلم من الدين النجاح ونخرج ننجح في الدنيا سبب نجاحنا في الدين. الواحد كثير من اي نجاح في الضيق في الدنيا انما هو بسبب اصلاً فهم القواعد في القرآن والسنة. كثير من قواعد القرآن والسنة - [00:02:55](#)

في النجاح وعقلية النجاح والادارة والتخطيط والتدرج والتركيز والاستمرار والثبات وهزه القواعد العقلانية للنجاح الواحد يؤمن بها في القرآن والسنة وبعد كده يخرج يلاقي كتب عالمية. يقول لك الكتب الاكثر مبيعا في العالم. ايه سلایت ايدج ده يا عم! كتاب بيقول لك ان - 00:03:15

الفرق ما بين الاول على الدفعة والاخر على الدفعة ليس منسوب الزكاء. وانما هو معدل الاستمرار. والثبات على اوراد المذاكرة اليومية في حياته. يا راجل الكلام اللي مالي القرآن والسنة من اول سورة الفاتحة وسورة فصلت. وقل امنت بالله ثم استقم وان الذين قالوا ربنا الله ثم استقاموا. كلام الاستمرار ده طلع - 00:03:35

دلوقتني كتب بيكسبوا من ورائها ملابس مملينة في العالم. وييجي ستيفن كوفي ينزلها في العادات السبعة للقادة الاداريين والشخصيات الاكثر نجاحا في العالم وتنتشر في العالم وتلاقي الكتاب بيقدم له انجح مدربين لاكبر مالتى ناشيونال جروبز في العالم تتجزئ من مقدمة الكتاب - 00:03:55

تجهز من من الاسماء الادارية العملاقة اللي بتقابل الاكتتاب تروح تشووف العادات السبعة للقادة الاداريين والسبع صفات للنجاح والسبع صفات جهزت لها قواعد مبدئية في القرآن والسنة. هو الكلام ده عندهنا واحنا مش عارفين نطلع مشكلة كبيرة جدا ان احنا مش قادرين نصنع - 00:04:15

حضارة قائمة على القرآن والسنة. مش قادرين نصلح حياتنا. مش عارفين نصلح بيوتنا بالقرآن والسنة. مش عارفين نتجاوز ازاي واحنا شباب صغير بالقرآن والسنة. مش عارفين ازاي ننجح في دراستها بالقرآن والسنة؟ مش عارفين ازاي نبقى سعداء بالقرآن والسنة؟ فالقرآن بيديك مفاتيح. اول مفاتيح بيديها لك سورة الفاتحة مفاتيح - 00:04:35

النجاح في الحياة. سلسلة المفاتيح الثانية مفاتيح الاحساس بالقرآن وفهم القرآن. الفاتحة هي تقدر تقول ايه؟ الاكواب الكود بتاع التعامل مع القرآن. هتنجح في الاحساس بسورة الفاتحة وهتنجح في فهم ايات سورة الفاتحة. هتنجح في القرآن كله. على قد ما - 00:04:55

انجح في الفاتحة على قد ما نجح في القرآن. سلسلة المفاتيح الثالثة مفاتيح خزائن الله. مفاتيح مدد الله. مفاتيح عطاءات الله. سورة الفاتحة بتقول لك ربنا يفتح عليك ازاي؟ ايه الجهود اللي انت لو عملتها ربنا يفتحها في وشك. ربنا يفتح لك الابواب المففولة لفتحنا عليهم بركات من السماء والارض - 00:05:15

مفاتيح خزائن الله السلسلة المفاتيح الرابعة في سورة الفاتحة. مفاتيح الطريق الى الله سبحانه وتعالى. مفاتيح الطريق الله مفاتيح الوصول الى الله لان هي بتفتح لك اوصل لك ازاي يا رب؟ انا عايز اوصل لك ولكن اوصل لك ازاي؟ نتكلم في كل - 00:05:35

مفاتيح من هزه المفاتيح سريعا عشان لسه هناخد بقى نرجع على معاني السورة سريعا عشان نختتم النهاردة باذن الله سبحانه وتعالى دورة مفاتيح خزائن الله تدبرات سورة الفاتحة مفاتيح النجاح في الحياة. من ضمن مفاتيح النجاح في الحياة ابدأ اللي بيسموها روح المبادرة مفاتيح فروم زوروت وهيرو ابدأ ما تقدعش - 00:05:55

امواج الصدفة عشان تلقيك على شواطئ النجاح. اياك نعبد واياك نستعين. اهدا الصراط المستقيم. انا قبل ما اقول اهدينني انا عبدتك يا رب انا قبل ما اقول اهدينني انا رفعت ايدي وتوسلت اليك يا رب. انا قبل ما اقول ديني انا خططيت اليك يا رب. مش هو ده. مش هي دي قضية روح المبادرة. مش - 00:06:15

هي دي قضية ان تبدأ بمراد الله قبل ان تبدأ بمراد نفسك الثلاثة والصخرة يا جماعة. التلاتة لما اتقفل عليهم الصخرة ربنا فاتح لهم الصخرة ليه؟ الاولاني عمل ايه؟ توسل الى الله - 00:06:35

ببر الوالدين وانه اكل امه وابوه وولاده ومراته جعانيين. فائز مراد الله وهو اطعام الوالدين. على مراد النفس واطعام الاولاد والزوج بعد كده الثاني تعف عن الزنا بعد ان قدر عليه. فائز مراد الله وهو العفاف. على مراد نفسه وهو الوقوع في الشهوة مع - 00:06:45 اكتر امرأة بيحبها في الدنيا وهي بنت عمها. الثالث توسل الى الله بالامانة مع الاجير. تخيل الاجير كان له الفين تلات اربع تلاف جنيه المهمة بتاعته تاجر له فيه بقوا تلميذ ربعميت الف جنيه وربنا ببارك في المال. جه الاجير بعد كذا سنة يطلب الفلوس اداله التلميذ

ربعميت الف جنيه. فتوسل الى الله بانه اتر مراد الله - 00:07:05

سبحانه وتعالى وهو الامانة ودفع المستحقات على مراد نفسه وهو الفلوس والمال وتكتير المال بتاعه. قضية ابدأ ابدأ خد ما تقدر داش تستنى يا ابني ما تستناش انك انت يجي لك واحد فجأة يقول لك ده فيه فرصة طلب علم رهيبة. ابدأ دور اسعى انزل اسمها روح المبادرة - 00:07:25

يعني ايه روح المبادرة؟ روح المبادرة انك ما تستناش حد يجي يحل لك مشاكلك. انك ما تستناش حد يجي يخرجك وينتشلك مما انت فيه. ما ما تستناش حد يجي يحطك على طريق الاحلام بتاعتك. ابدأ خد مكان في السوق صغير. ولما تحط رجليك في السوق - 00:07:45

ربنا يفتح لك المكان الكبير. ما تشرطش من البداية انك انت تبدأ كبير. ابدأ بالمستطاع. ابدأ بالمتاح. ابدأ بالباب المفتوح. ادخل من الباب المفتوح دايما في اي حد حاجة في حياتك. في اي نجاح من نجاحات حياتك. ولما تنزل وتشتغل في عطاءات من الله للناس اللي بتنزل. في عطاءات من الله للناس اللي بتتحرك - 00:08:05

فكانت اياك نعبد قبل اهدنا. كان المتوقع اهدنا وبعد كده اياك نعبد. يا رب ده انا هاعبدك وهاقطع سجاجيد الصلاة بس اهديني لا اهدنا ما تقولش اهديني ونعبدك. اعبدني وانا اهديك ودي قاعدة قرآنية نبوية. قال الله عز وجل من تقرب الي شبرا تقربت منه ذراعا - 00:08:25

ومن تقرب الي ذراعا تقربت منه باعا. يبقى الخطوة الاولى دايما لازم منك انت. في مدد من الله اللي بيبدا الخطوة الاولى في حل مشاكل حياته. اووعي تبقى انسان سلبي مع اكبر قضية في حياتك وهي قضية نفسك عشان كده مع اصحاب الكهف الله سبحانه وتعالى يقول وربطنا على قلوبهم اذ قاموا قم - 00:08:45

ربنا يربط على قلبك. قم وربنا يسبتك. قم ربنا يفتح عليك بالمعاني. قم اتحرك. خد بركة الحركة والسعى في سبيل الله سبحانه وتعالى. دي من ضمن القواعد. قاعدة رح المبادرة. قاعدة البدء. قاعدة عدم الانتظار. قاعدة عدم السلبية. من ضمن - 00:09:05 قواعد النجاح في سورة الفاتحة قاعدة الاستمرار اللي انا كنت بكلمكم فيها دلوقتي في كتاب من اكتر الكتب عالميا انتشارا والله يا اخواني الواحد هيجن يعني كنت لسه قاعد في قعدة كده وفيها مجموعة من اخواننا الدعاة المثقفين جدا ومنهم ناس بقى بتسافر في دول العالم وبتدي بقى دورات في الادارة والتدريب والباتaux - 00:09:25

فيبيقول لي ده فيه كتاب خطير جدا. وكتاب اسمه نطق نص وحاجة كده بقى وايه فقال لي انا بعنته لك على الواتس ايه الكتاب ده قال لي ده كتاب عالمي وقوى جدا. بيتكلم على ان الارادة وحدها لا تكفي. وان ارادة النجاح لا تعنى ابدا انك انت بتبقى انسان ناجح. يعني مش - 00:09:45

انك انت عايز تبقى طالب علم معناها انك انت تبقى شاطر في الدراسة. الله! ده انا عندي ارادة - 00:10:05 عايز تبقى شاطر في الدراسة انك هتبقي شاطر في الدراسة. وطول عمرنا اتعلمنا ان الهواء ده الكتاب كله فكرته ان ارادة النجاح دون ان تضع نفسك في بيئة النجاح لن يؤدي الى النجاح. ده فكرة الكتاب الغربي. ده مش درس في القرآن والسنة. ده مش درس من الدروس اللي احنا بقى لنا سبع سنين في المسجد ده. قاعدين نتكلم فيها عن بيئة الایمان. وانه لا - 00:10:15

كان بدون بيت ايمان وانه لا نجاح بدون بيت نجاح. وقاعدين نطلع ادلة من القرآن والسنة لا حصر لها. ييجي كتاب اجنبي بس عشان بس اسم اجنبي مكتوب عليه يقول لك ان ارادة النجاح وحدها لا تكفي لأن تكون انسانا ناجحا ان لم تضع نفسك في بيئة النجاح. لو ما صاحبتش الناجحين وقعدت في البيئة اللي - 00:10:35

زي امريكا. شاب متوسط في امريكا المستوى ممكن يعمل شركة علامات تهز العالم كله. شاب في امريكا جا له فكرة انه يعمل مجموعة كده لاصحابه في في الجامعة بتاعته بقت الفيسبوك. شاب في امريكا ليه؟ لأنها بيت نجاح اصلا. الدنيا كلها بتزقك لقدم. انت هنا الدنيا كلها بترجعك لورا. فانت احرص بقى انك تصاحب الناس - 00:10:55

ناجحة. احرص بقى انك تحط نفسك في المكان الصح. الشخص الصحفي في المكان الغلط يؤدي الى الوضع الغلط. الشخص الصحفي في المكان الصح يؤدي الى العظيمة فدي اسمها قواعد النجاح في الحياة. من ضمن القواعد في سورة الفاتحة. قاعدة الاستمرار. جميع افعال المؤمنين في سورة الفاتحة. اما افعال - 00:11:15

استمرار واما افعال استقرار. استقرار زي آآ حمدتهم لله. الحمد لله. رب العالمين جت بالصيغة الايه؟ صيغة الجملة الاسمية. الدالة على الاستقرار الثبوت الحمد لله رب العالمين. يعني دي حتى اقوى من كلمة نحمد الله رب العالمين. لغة اقوى من كلمة نحمد ولا عشان كده العلماء - 00:11:35

شف اول سورة المؤمنون اه اه ثم انكم بعد ذلك ايه؟ لميتون. ثم انكم يوم القيمة ايه؟ تبعثون. قال لك ربنا اكدر الموت اكدر ولا اكدر البعض اكتر؟ قال لك ربنا اكدر الموت اكتر. من البعض ثم انكم ان ادي توكيلاً. بعد ذلك لا لا ما هي لميت - 00:11:55 الله يؤكّد ويقسم سبحانه وتعالى لميتون قال لك مش لا تموتون. قال لك ميت بجملة اسمية. وقال لك الجملة الاسمية اشد ثبوتاً من فمع الموت ربنا جاب تلات مؤكّدات. والله والله هتموت. طب مع البعض ثم انكم انا. بس. يوم القيمة تبعثون. فمع - 00:12:15 متأكد ومؤكّد واحد. قال لك رغم ان الناس شاكتها انها هتقوم من الموت. مش انها تموت. قال لك لأ. قال لك الناس مش مصدقة الموت. الناس مش راضية تفكّر في الموت. فربنا بيأكدر الموت تلات مرات - 00:12:35

اه تلات اضعاف مأكدر البعض لأن مشكلتك لو صدقتك انك هتموت. لو عشت مع احساس انك انت هتموت انت فعلًا حياتك هتتغير تغيير كبير الجملة الاسمية اشد ثبوتاً من الجملة الفعلية. الحمد لله تدل على الاستقرار. طيب ايّاك نعبد فعل مضارع مستمر. ايّاك نستعين فعل مضارع - 00:12:45

فجميع افعال المؤمنين في الصورة اما تدل على الاستقرار واما تدل على الاستمرار. يبقى خليك انسان مستمر في كتاب يقول لك كده يقول لك اما تزاكِر اسبوع ليـل نهـار في الـاخـر مش هـتـعمل حاجـة زي ما تـزاـكـر نـص ساعـة يومـياً. يقول لك لما تـقـرـا كتاب وتسـهـر للـصـبـح تـخـليـص كتاب - 00:13:05

يقول لك مش هـتـعمل حاجـة زي ما تـسبـت رـبع ساعـة يومـياً لـقرـاءـة كـتبـ. وـتـبـقـي وـرـدـ سـابـت في حـيـاتـك فـكـرة الـاـورـادـ. اللي يعني القرآن والسنة بتتكلّم عنها هـذـه غـدوـتـي فـانـ لم اـتـفـدـها سـقطـت قـوـتـي اـنـي طـرـأـ على حـزـبي من القرآن فـكـرـتـهـ اـنـ اـخـرـ اليـكـمـ قـبـلـ اـنـ قـضـاـيـاـ 00:13:25-

خطيرة جداً نتكلّم عنها في القرآن والسنة ما تحسّش انها قواعد هتنزم لك حياتك. وهترتب لك دنيتك ودينك. يتتكلّم عنها الغرب للأسف الشديد تلاقي الدورة دورة الشخصية الف وخمسية جنّي. دورة الخمس تلاف جنّي والشباب يروح. وهم قاعدين يسمعوا الكلام في المساجد. سبحان الله! ولكن هو عايز اسماء - 00:13:45

عشان يقتنع انما لما بييجي من عند العليم الحكيم قلبه مش عارف يشرب هـذـه المعـانـيـ آآ معـانـيـ من معـانـيـ سـورـةـ الفـاتـحةـ فيـ النـجـاحـ التـركـيـزـ اـهـدـنـاـ الصـراـطـ الـمـسـتـقـيمـ. اـنـاـ مرـكـزـ فـيـ طـرـيقـ وـكـلـ طـاقـتـيـ فـيـ طـرـيقـ دـهـ. اـهـدـنـاـ الصـراـطـ. اـحـسـاسـ وـاحـدـ فـيـ الصـحـراءـ 00:14:05-

تايـهـ لو اـتـحرـكـ يـمـينـ اوـ شـمـالـ هـيـضـيعـ وـهـيـمـوتـ. اللي بيـتـوـهـ فيـ الصـحـراءـ ماـ بـيـتـحـرـكـشـ. بـيـفـضـلـ فـيـ مـكـانـهـ. دـيـ منـ قـوـاـعـدـ التـوهـانـ فـيـ الصـحـراـ. السـيـدةـ عـائـشـةـ لـمـاـ ضـلـ الـقاـفـلـةـ لـفـتـتـهـ فـضـلـتـ فـيـ مـكـانـهـ وـهـمـاـ رـاجـعـيـنـ مـاـ بـنـيـ الـمـسـتـرـقـ مـاـ يـنـفـعـشـ تـتـحـرـقـ. لوـ اـتـحرـكـ تـضـيـعـ. فـيـ الصـحـراءـ لـمـاـ حـدـ بـيـتـوـهـ يـنـامـ مـكـانـهـ. يـاـ اـمـاـ حـدـ بـيـيـجيـ يـدـورـواـ عـلـيـهـ - 00:14:25

يـاـ اـمـاـ يـمـوتـ مـكـانـهـ انـمـاـ لوـ اـتـحرـكـ مـيـتـ مـيـتـ. الاـ انـ يـشـاءـ اللـهـ سـبـحـانـهـ وـتـعـالـىـ فـاهـدـنـاـ الصـراـطـ الـمـسـتـقـيمـ. حـدـ حـاسـسـ بـالـتـوهـانـ وـالـضـيـاعـ وـبـيـقـولـ يـاـ رـبـ نـجـيبـ مـرـكـزـ فـيـ الصـراـطـ الـمـسـتـقـيمـ. خـلـيكـ معـيـ يـاـ رـبـ فـيـ هـذـاـ الطـرـيقـ. فـدـهـ تـرـكـيـزـ فـيـ هـذـاـ الطـرـيقـ. زيـ ماـ كـنـاـ بـنـتـكـلـمـ فـيـ اللـيـلـةـ الـاـيـمـانـيـةـ. اللـيـلـةـ كـدـهـ فـيـ سـورـةـ النـازـعـاتـ - 00:14:45

قلـناـ فالـمـدـبـرـاتـ ايـهـ؟ اـمـراـ. فالـمـدـبـرـاتـ ايـهـ؟ اـمـراـ مشـ اـمـورـاـ. يعنيـ انـ اللـهـ يـسـتـعـمـلـكـ فـيـ صـغـرـ وـاحـدـ مـنـ صـغـورـ الدـيـنـ. فـيـ تـدـبـيرـ صـغـرـ وـاحـدـ مـنـ صـغـورـ الدـيـنـ دـهـ دـهـ وـصـوـلـ الـلـهـ سـبـحـانـهـ وـتـعـالـىـ. قـوـاـعـدـ الـنـجـاحـ. مـنـ ضـمـنـ سـلـسـلـةـ الـمـفـاتـيـحـ التـانـيـةـ

الفتح مفاتيح خزائن الله. مفاتيح مدد الله. الفاتحة فيها اربع جهود. على قد حزك من الاربع جهود دول على قد حظك من عطاء الله ومن مدد الله. وعلى قد ما هتتعب في الاربع جهود دول على قد ما ربنا هيفتح عليك وهيمدك. الجهد الاول - 00:15:25
جود السماء والذكر. الحمد لله رب العالمين. الرحمن الرحيم. ما لك يوم الدين. ده جهد الثناء هو الذكر انك انت دايما لسانك ثناء على الله. مناداه لله باسمائه الحسنى. ذكر طول ما انت ماشي ورایح وجاي كده على قد ما في حياتك جهد الثناء والذكر - 00:15:45
اقعد في جلسة الضحى تذكر وتثنى. تمشى في الشارع تذكر وتثنى انك انت على قد ما في حياتك كنا زمان واحنا طلبة نعمل خواتم ورق كده مقوى كده طولها اطول من طول عقلة الصابع. عشان كل ما تيجي تدي صابعك وانت ماشي صابعك يوجبك. اطول من تفتقرك قضية الزكر على طول - 00:16:05

انك انت اووعي تفتكرب بنفسك. اقعد اتعب مع نفسك. اقعد لحد ما توصل ان قلبك هو اللي بيذكر ما انتاش محتاج تزكرة من حاجة خارجية. قلبك داخليا بيذكرك تلاقي اللسان بيشتغل وراه على طول جهد الثناء والذكر من الله. كل ما تقدر تذكر كتير ابن تيمية. يقول لك لما كان يغلق عليه مسألة يستغفر الله الف مرة - 00:16:25

فيفتح عليه الله من العلوم ومن الفهم. جهد الثناء والذكر. ده من اسباب فتح الله. الجهد الثاني اياك نعبد جهد العبادة والتبتل. انك انت تقوم تتوضأ وتصلّي ركعتين انك انت تطلع تدبر تطلع مقابر آآ تطلع جهد العبادة والتبتل على اللهم اعني على ذكرك - 00:16:45
وحسن عبادتك. جهد العبادة. انك تبقى كثير الصلاة. كثير النوافل. اه قيام الليل. الصيام. الاوراد. التعبدية. الخلوة الشهرية المقدسة لك يوم في الشهر كده ولا يومين. ربنا مديك فلوس ومعك اقامة. خبطة كده كل شهر يومين ثلاثة تقوم طالع على السعودية - 00:17:05
مع الحرم المكي من غير ما حد يدرى ولا حد يحس بك اصلا. ولا حد يدرى بك خميس وجمعة وسبت وتكون راجع على بالليل.انا اعرف ناس بتعمل كده. اعرف ناس - 00:17:25

ربنا مديه يعني اسمع عن ناس ربنا فتح عليها ماديا يوم الجمعة ده بيقضيه في في مكة. بس دول ناس آآ يعني ايه الدنيا ربنا فتحها عليها. تروح تلات صيام تلات اربع تيام وترجع ما حدش حاسس بك كل شهرين ولا حاجة. ده لو ربنا مديك اقامة. ربنا مديك تأشيرة من التأشيرات السنة والكلام ده ومعك فلوس. تقدر انك انت ولو حتى على - 00:17:35

حد هذا الامر. تفضل طالب طولك. جهد العبادة والتبتل. ان يبقى عندك طب مش قادر. يبقى لك يوم في الشهر بتفصل فيه. تقول على نفسك في مسجد في اوپتك وتمسك على البوست كأنهم بروفة لرمضان كده. كأنه بروفة لعشر ذي الحجة كده. جهد العبادة والوقفات الشهرية دي مهمة جدا. عشان تقدر تكمل وتواصل. لان غالبا - 00:17:55

اورادك التعبدية في بداية اول كزا سنة من وضع الاوراد التعبدية بتقع منك. مع العوارض والزروف قبل ما ترسخ فيها. الجهد الثالث واياك تستعين جهد التوسل والدعاء. جهد التوسل والدعاء. احنا قلنا قبل كده كتير يا جماعة هو احنا ليه ما بناخدش؟ احنا نفسنا في حاجات كتير اووي - 00:18:15

ما ناخدھاش من ربنا ليه؟ لانك انت ما بتطلبھاش. مش لان ربنا ما بيديش. انت ما بتطلبھش. يا رب بتاعتك دي ما بتجيبيش حاجة في السانوية العامة ولو اشتغلت بها - 00:18:35

حد مش هيديك حاجة. كراتب شهري يا رب بجد جهد التوسل تصوم كنت مع بعض اخوانى كده وطالعین رايحين رايح حد درس يعني فيبيتكلموا فواحد بيقول انا والله احيانا وهو شغال في السعودية. احيانا اصحى انزل اعمل عمرة هو شغال هناك شغل هناك. عشان - 00:18:45

ادعي لاخويا فلان. عشان فلان بس في مشكلة كده اقوم نازل عامل عمرة عشان بس املى العمرة. دعاء له جهد التوسل والدعاء ده جهد يا جماعة. توسل الدعاء ده مش مش وانت قاعد كده التواصل ده مجهد. يوم الجمعة من العصر للمغرب ده حياتك طوارى. ليوم عرفات. قاعد - 00:19:05

قافل على نفسك وقاعد تدعى. يوم الاربع من الضهر العصر من اوقات الاجابة اللي ثبتت عن النبي عليه الصلاة والسلام. وابن تيمية

قال انه وقت اجابة في جميع انحاء الدنيا - 00:19:25

لان النبي عليه الصلاة والسلام ادركته اجابة دعوته في ذلك اليوم. آآ وهو في مسجد في مكان غزوة الاحزاب. فالواحد كان يعني اما نزوح عمرة كت اقعد ايه اترصد كده ان يوم الاربع ده نبقي هناك عشان من الضهر والعصر الواحد ايه يحاول يروح المسجد اللي هناك ده. فسبحان الله العزيم فمرة صاحي من النوم كده قلت - 00:19:35

لو الحديث بتاع استجابة الدعاء من الضهر للعصر يوم الاربع يطلع آآ يعني هو صحابي قعد يراقب النبي في دعوة معينة النبي قعد يدعها كذا يوم رباط. فالصحابي قال لك فاستجيبت دعوة النبي عليه الصلاة والسلام في يوم الاربع من الضهر والعصر. فقلت حق لو يطلع ان حد من علماء الاسلام قالوا ان - 00:19:55

في الوقت ده وقت اجابة عامة وليس فقط مرتبط بهذا المكان في المدينة المنورة في مسجد الاحزاب. فصاحب من النوم لقيت آآ شيخنا الشيخ محمد يعقوب آآ بعث رسالة كده بفتح الرسالة لقيتها كلام لابن تيمية والله العزيم يا اخوانى. وانا صعب ان انا افکر في الموضوع. لقيتها لقيت آآ رسالة كده - 00:20:15

الكلام لابن تيمية يتكلم عن هذا الحديث ويشرحه ويقول ان هذا وقت اجابة عام. انت قاعد بقى تراقب بقى الاوقات دي. ما بين الاذان والاقامة. ده وقت اجابة دعاء يبقى اول ما الاذان يدين اجري على الجامع عشان اقصى الوقت ده. سجود الفرائض ده وقت اجابة دعاء. يبقى انا لازم اجيب اخرى في سجود الفرائض - 00:20:35

في الدعاء وركز في الدعوة اللي انا عايزها عند الفطار او وانا صائم وقت اجابة الدعاء. الدعاء ده جهد. جهد يبقى الجهد الاولاني جهد الثناء ذكر الجهد الثاني جهد العبادة والتبتل. الجهد الثالث جهد. التوسل واه الدعاء. الجهد الرابع جهد. اهدا الصراط المستقيم. صراط - 00:20:55

والذين انعمت عليهم غير المغضوب عليهم ولا ولا الضالين. جهد علو الهمة في طلب الحق. انا يا رب عايز امشي على طريق الانبياء صراط الذين انعمت عليهم فاولئك مع الذين انعم الله عليهم من النبيين والصديقين هي دي همتك. همتك انك انت تقرأ قصص الانبياء - 00:21:15

في تطبق هذا الكلام وتسير في هذا الكلام. يبقى ازا آآ التلات جهد الاولانيين الذكر والثناء التبتل والدعاء آآ التبتل والعبادة الدعاء والتتوسل الجهد الرابع بقى اللي هي المجاهدة بقى. علو الهمة في طلب الحق انك تتعرف على افعال الصالحين وتجاهد من اجلها. على قد علاقتك بالاربع جهود دول على - 00:21:35

فتح الله عليك. على قد فتح الله وعلى قد مدد الله لك. ده دي ربنا بياهلوك. ده دي دورة تأهيلية عشان تقدر تدخل في القرآن بقى. سلسلة المفاتيح الثالثة مفاتيح الاحساس بالقرآن وفهم القرآن. زي ما قلت لكم يا جماعة ان كل اية في الفاتحة هي مفتاح للحساس بجزء من ايات القرآن - 00:21:55

الحمد لله رب العالمين. الرحمن الرحيم. دي مفتاح اللي هتحس بها وهعيش معها هيحس بایات معرفة الله في القرآن. طب ما لك يوم الدين اللي هيحس بها هيحس بایات اقرأ في القرآن. اياك نعبد واياك نستعين. الله يحس بها يحس بایات المجاهدة والعبادة. والعمل الصالح والاعمال الصالحة كلها في القرآن - 00:22:15

اما الوصول الى القرآن؟ اهدا الصراط المستقيم اللي هيحس بها هيحس بجميع ايات سنن الوصول الى الله. والطريق الى الله في القرآن صراط الذين انعمت عليهم اللي هيحس بها هيحس بكل ايات اهل الحق في القرآن. كل ايات اهل الحق وقصص الانبياء والصحابة غير المغضوب عليهم ولا الضالين. اللي هيحس - 00:22:35

فيها هيحس بكل ايات اهل الباطل في القرآن. يهود نصارى ابليس منافقين. ملحدين روبيسين. كل ايات اهل الباطل في القرآن فهي فعلا مفاتيح الاحساس بالقرآن كل ما هتتعب فيه ان قلبك يلمس مع ايات سورة الفاتحة كل ما هترتاح بعد كده في القرآن سلسلة المفاتيح الرابعة في سورة - 00:22:55

سورة الفاتحة مفاتيح الوصول الى الله. ومفاتيح الطريق الى الله. ازاي سورة الفاتحة مليانة مفاتيح كتير جدا. من ضمن المفاتيح يا

اخواني في الله اسم السورة نفسها الفاتحة ان باب الدخول على الله وباب الافتقار. يعني سورة الفاتحة كان ممكناً تتسمى باسم آآ يعنينبي من الانبياء. علو الائمة - 00:23:15

هذا او حرف من الحروف المقطعة مسلا. التحدي والوقوف قدام الدنيا كلها بالقرآن. اتسمت باسمه كله افتقار. كله افتقار يبقى ازا يعني كان حد من اخواني بسيط جداً زمان يعني ولكن كانت كلمة عزيمة كنا بنزور اخونا عماد الجمل الله يرحمه اشهر في مصر ومات بقى من سنين الله يرحمه - 00:23:35

واحنا قاعدين كده فكل واحد كان ايه بيقول تزكرة. فكان الدور على هزا الاخ الفاضل يعني والله هسيبه. فقال يا جماعة احنا ما عدش فيه طريق نوصل بين ربنا ما اتسقناش - 00:23:55

طريق العلم اتسقنا من الاف السنين من الف سنة اتسقنا فيه. طريق الدعوة لو موتنا نفسنا فيها ناس سبقتنا فيه. طريق العبادة قال الطريق الوحيد اللي لسه عندنا امل ان نسبق فيه غيرنا هو طريق الافتقار الى الله. قال ده الباب الذي لا يغلق باب الافتقار الى الله ان تفتقر. يبقى دي من اصول الاصول - 00:24:05

فمن اصول الوصول الى الله كان بداية سورة الفاتحة الحمد لله رب العالمين. الرحمن الرحيم. ما لك يوم الدين. معرفة الله. اول ما عرفت ربنا حق المعرفة. اياك نعبد انت وبس يا رب اياك نستعين انت وبس يا رب اهدا الصراط المستقيم. عايز اوصل لك يا رب الهمة الرهيبة دي انبعشت داخلك امتى ؟ لما عرفت ربنا ابدأ صاحب ابداً - 00:24:25

الله كل ما تبدأ بالتعرف على الاسماء الحسنى عشان كده في خمسية البدء لما كنا بنتكلم في دستور الملتمس الجديد من البدايات الصحيح في دينك انك تبدأ بالاسماء الحسنى. انك تبدأ بالسماع عن الله. انك تبدأ باقامة علاقة خاصة مع الله سبحانه وتعالى. البدء ما بدأوا بمعرفة الله انبثوا - 00:24:45

عزيمة جواهم عزيمة على الطريق على قد ما هيقي عندك وقت تخلو فيه بربك يومياً أسبوعياً شهرياً سنوياً في الاورد اليمانية على قد ما هيقي عندك طاقة انك تفضل وتواصل وتكميل بكل عزيمة. من ضمن اصول الوصول الى الله في سورة الفاتحة اياك نعبد. الرحمن الرحيم مالك يوم - 00:25:05

الدين ان انك انت قبل ما تتعرف الى الله بان هو اللي بيملك ذلك اليوم الرهيب تعرفت الى الله بانه الرحمن الرحيم لانه الرب الكريم سبحانه وتعالى يبقى ابداً بمعرفة الله باسماء الجمال. قبل ما انت عشان كده ربنا هو بيعرف سيدنا موسى به قال ايه ؟ الرحمن - 00:25:25

على العرش استوى. قال لك لو كان ربنا قال له على العرش استوى بس كان اخذ قلب موسى بجلال الله لكن صعق قلب موسى بجلال الله. انما بدأ بالاول ايه - 00:25:45

الرحمن على ربنا قال لموسى الاولاني اني انا ربك. فاقلع عن اللي بعد كده اني انا الله فاعبدني واقم الصلاة لذكر الاول الربوبية. العطاء قبل الالوهية والعبادة والتکليف. فابداً باسماء الجمال. قبل ان تبدأ باليه ؟ بالترهيب. ابداً بالترغيب. ابداً ابداً قيم علاقة - 00:25:55

خد حب مع الله سبحانه وتعالى. البداية حب السيدة عائشة وهي بتشرح في اول حديث في البخاري. قصة نزول الوحي. حكت الاول ازاي النبي عليه الصلاة والسلام ربنا اخر بقلبه للغار؟ ازاي كان بيوريه - 00:26:15

الرؤى الصادقة ازاي كان آآ الحجر يسلم عليك ؟ ازا الاول حب السيدة مريم وربنا بيحكى قصة اصطفائها في سورة مريم نذكر في الكتاب مريم اذ انتبذت من اهلها مكاناً شرقياً سابت الدنيا كلها عشان تخلو بالله. البداية حب. البداية مع الله حب. فمن اصول الوصول الى الله - 00:26:25

ان تبدأ بالحب. ان يبدأ وكلمة حب جاية من الحبة الحبة اللي هي اصل الشجرة. اصل شجرة ممكن تبقى اكبر من البرج والعمارة. الحب ده اصل المشاعر كلها انك انت تتعلم الحب. اول شعور يجب ان يسكن قلبك تجاه الله وشعور الحب لله. سبحانه وتعالى. فده من اصول الوصول الى الله. ان الرحمن الرحيم - 00:26:45

ان جت قبل ما لك يوم الدين. من اصول الوصول الى الله في سورة الفاتحة. ايالك نعبد واياك نستعين. العبادة هي مراد الله منك. والاستعانا هي مرادك من الله فبدأت بمراد الله منك قبل مرادك من الله. انك انت ما ييقاش ايمانك ايمان ابليسي. ابليس لما تجيئ اياته في القرآن هتلاليه كان مؤمن باسماء - 00:27:05

الا وصفاته. وانظرني الى يوم يبعثون. انظرني مؤمن ان ربنا المحيي المميت. الى يوم يبعثون. مؤمن ان ربنا هو الباقي. ومؤمن بيوم القيمة. ومؤمن بالحياة بعد الموت رب بما اغويتني رب مؤمن بربوبية الله سبحانه وتعالى. فبعثتك لو غنام مؤمن بسم الله العزيز هو ايه ده ده - 00:27:25

الكيس ده موسوعة بقى في الاسماء الحسنة ولكن في الآخر كافر. كافر ليه؟ ما عنده المعلومات اهو ولكنه يعامل الله على الغرض. ولكن يعامل الله على مراده من الله وليس على مراد الله منه. احذر من الايمان الابليسي. او عى يبقى ايمانك ايمان ابليسي. او عى يبقى عندك معلومات قوية جدا في الدين وعند ربنا - 00:27:45

لكن كل قضيتك في الدين هو امن هو ان يعطيك الله مرادك منه. وليس ان تعبد لله بمراد الله منك. فابداً بمراد الله منك قبل قبل مرادك من الله. وكلما احسنت فيه مراد الله منك كلما فتح الله اري ربك يسارع في هواك. اني اري - 00:28:05 ليه؟ لانك تسارع في مرضاه الله سبحانه وتعالى. فسورة الفاتحة مليانة اصول وصول الى الله وقواعد وصول الى الله سبحانه وتعالى. بدأ بالاستعاذه اعوذ بالله من الشيطان الرجيم. الاستعاذه يا جماعة دي طلب لجوء. طلب لجوء. اعوذ بالله اللي عاوزه انك انت تجري وتمسك - 00:28:25

شهر واحد كده اعوذ بالله من الشيطان الرجيم. الشيطان لغة جاية من جزرین. الجذر الاولاني شيطانا. والجذر الثاني شطنا. الجذر الاولاني شطن اي بعد بعيد ملعون البعيد والجزر الثاني شاط عارف يقول لك الرز شاط شايط هيلو عشان - 00:28:45 تضيعك. حاقد قلبه مولع عليك. الشيطان الرجيم الرجيم الذي يترجمك بالشبهات والشهوات او المرجوم المطرود الملعون العياذ بالله باسم الله الرحمن الرحيم. كل السور بادئة بالبسملة الرحمن الرحيم. طب ليه مش باسم الله العزيز الحكيم؟ ليه مش باسم الله؟ الملك العظيم. ليه مش باسم الله - 00:29:05

العلي الكبير ليه مش باسم الله الحميد المجيد؟ ليه مش باسم الله المنتقم الجبار؟ باسم الله الرحمن الرحيم ليه؟ يعني كان كل سورة قبل ما تدخلها ربنا بيقول لك هنا فيه رحمات. هنا فيه رحمات خد بالك. يعني انت الوقتي يعني الاقمار الصناعية قالت لك الارض اللي فيها بتروح. دخلت وقعدت تدور - 00:29:25

ما فيش بتروح. ما فيش بتروح ولا في بتروح؟ لا في بتروح. انت اللي مش عارف تطلع. فربنا من اولها بيقول لك الرحمن الرحيم. هنا في رحمات كتير قوي. هنا في رحمات لقلبك - 00:29:45

حياتك ولأسرتك ولفهمك ولنجاحك في الدين والدنيا والآخرة ولرحمتك في القبر ويوم القيمة. طب انا مش ما طلعتش حاجة انت دي مشكلتك انت. هنا في رحمات باسم الله الایه؟ الرحمن الرحيم. باسم الله والباقي هنا باع الاستصحاب يعني استصحاب اسماء الله وانا اعيش في حياتي. استصحاب اسماء - 00:29:55

الا وانا آآ آلو كتاب الله انك تبقى عايش وربنا في قلبك. وجلال ربنا في قلبك. واسماء ربنا سبحانه وتعالى في قلبك. طبعاً البسمة يعني العلماء اية من الفاتحة ولا مش اية من الفاتحة واجمل قول آآ يعني قرأته وقول الامام مالك انها ليست اية من الفاتحة. والامام مالك استدل استدلال ذكي جدا جدا - 00:30:15

البسملة متفق عليها انها اية من الفاتحة ولا مختلف فيها؟ متفق عليها ولا مختلف؟ مختلف عليها. قال لك مستحيل اية من القرآن يختتم فيها. قال لك ده الاختلاف في القرآن ده كفر. ده انا ما ينفعش ايمان القرآن يختلف فيها. قال لك ما دام اقتلوا فيها فهي ليست اية من الایه؟ فهي ليست اية من الفاتحة. فالقرآن لا يختلف عليه - 00:30:35

الامام مالك يعني ايه زهب بهذا انها ليست ابا فبسم الله الرحمن الرحيم الحمد لله رب العالمين طبعاً مش هنقدر نقف مع اية سورة الفاتحة انا بقف وقفات بس بسيطة كده لان سورة الفاتحة يا جماعة ام الكتاب. فانت عشان ندخل في الحمد وايه الفرق بين الحمد

والثناء الحمد هو - 00:30:55

ثناء على الله بحب وتعظيم. انت في قلبك الحمد ده امتنان. واحد عنده انتماء لحد وهو بيئني عليه. انا ممكن اشكر والله نشكر السيد وزير المش عارف ايه ان هو لا الحمد ده انت قلبك مفعم بالمشاعر. تجاهي لأ الحمد لله رب العالمين. انت بتقرأها بالليل كده وقاعد تفتكر - 00:31:15

كل الطيور في اوكارها الوقتي يا رب بنعمتك. وكل الناس في بيوتها الوقتي يا رب بنعمتك. وكل الحمد لله رب العالمين. الرحمن الرحيم. الرحمن الرحيم ربنا في جسمك. انت عندك ما بين كل عضلة وعضلة. عندك حاجة اسمها البرس كده الشفت. دهن كده. والا كان لها تيجي تحرك العضلات بتاعتكم - 00:31:35

الاحتكاك يولع الدنيا نار. يخليلك بعد كده الالتهابات اللي تحصل في جسمك تولع جسمك نار مش عارف تتحرّك. من الالتهابات الموجودة. ربنا فصل ما بين قلبك وما بين اعضاء الصدر بالغشاء بتاع القلب. فصل ما بين رئتك وما بين اعضاء الصدر بالغشاء بتاع الرئة. العضلات الحاجات لانك انت - 00:31:55

جسمك كله قعد يتتحرّك من جوة. جسمك ده لو الاحتكاكات ولدت التهابات تموت فيها. مع كل نبضة قلب مع كل اخدة نفس. راح مقد ايه رحمك جسمك قد ايه رحمك في حياتك. قد ايه رحمك في الشرح. ويسر عليك. قد ايه رحمك في كل حاجة. مالك يوم الدين. جميل اوّي ان الرحمن الرحيم قبل مالك يوم الدين - 00:32:15

يعني اللي هيحاسبك في الآخرة هو الرحمن الرحيم. عشان كده فوض الي عبدي انك تبقى فرحان ان اللي هيحاسبني يوم القيمة هو الرحمن بعد ما عشت مع جماله سبحانه وتعالى - 00:32:35

رحمته ورأفته مالك يوم الدين. اياك انت ويس يا رب. اياك ده ليس سواك يوجه اليه العبادة وليس سواك وجه اليه استعانة. اهدنا الصراط المستقيم. الهدى له معاني كتير قوي في اللغة يا جماعة. من معاني الهدى في اللغة ضوء النهار -

00:32:45

فوق النهار في اللغة اسمه الهدى. اهدنا نورها لي من عندك يا رب. نورها لي. خلي الطريق بتاعي منور يا رب. فيه هداية توفيق وفيه هداية دلالة. هداية ان ربنا يعرفك الصح من الغلط. هداية التوفيق ان ربنا يلهم قلبك انك تعمل الصح. فهداية التوفيق دي اللي احنا عايزينها مش بس هداية الدلالة - 00:33:05

يعني ابليس عنده هداية الدلالة. ابليس عارف الصح من الغلط. ولكن ما عندوش هداية التوفيق. ما عندوش هداية عشان كده وانت بتطلب اهدنا الصراط المستقيم. انت بتطلب جميع انواع الهدایة - 00:33:25

تطلب بداية التوفيق وتطلب بداية الدلالة وبتطلب بداية الحكمه وبتطلب هداية الرشد وبتطلب بتطلب جميع انواع الهدایة من الله سبحانه وتعالى. اهدنا طب اهدنا بضمير الجمع ليه ؟ اهدنا بضمير الجمع عشان حاجات كتير جدا يا جماعة. اول حاجة ان سقوط واحد يعني خطر عليك في دينك. سقوط - 00:33:35

واحد اوعى تستهين ان فيه واحد كان بيصلّي معنا في الجماعة وما عادش بيصلّي. كل واحد واقف قاعد في الجامع دلوقتني هو حصن امان لك في دينك. هي سلف ودين - 00:33:55

النهاردة اخوك بيقع. انت وقفت وسندته بكرة انت هتتجي تقع. اوعى يتهيأ لك انك انت اتعلم بقى من خبرة الحياة. اوعى لانك قاعد دلوقتني في المسجد جلسة الضحى واحد تسمع تفسير وقاعد تسبح ربنا وانت قاعد تسمع تفسير وقاعد تاخذ قرارات ايمانية اوعى تفتكر انها بتفضل كده شوية هي طالعة نازلة هي طالعة - 00:34:05

نازلة وفي فترات الفتور الله يربيك بما لا تربى به في فترات النشاط. يعني اوعى تعنقد ان فترات الفتور دي وقت ضائع من حياتك. زي فترات هات والزلات والذنب اللي منكم قرأ او سمع الخامسيه الارتقاء في دستور الملتمز الجديد. خامسيه الارتقاء فقه التعامل مع الزنب فقه التعامل مع الفتور - 00:34:25

فق التعامل مع الواقعات والزلات. فقه التعامل مع الدنيا. هو ايه ده ! هي دي خامسيه الارتقاء ! ده الارتقاء ده كنت باحسب انك هتقول

لي فقه الصيام! فقه ما هو حبيب قلبي كل العقبات دي لو ما تعاملتش معها صح هتضيعك. الاخ اللي مش عارف يتعامل مع الفتور سحب، له احتاط مدبر. الاخ الله، مش فاهم فوه، التعاما، مع الزنب اذاء، - 00:34:45

ان سقوط اي واحد من اخوانك هو ايه هو تمهيد لسقوطك انت نفسك. حافظ على دين اخوك وادعي لدين اخوك زي ما بتدعى لنفسك واستشعر في الفاتحة انك بتدعى لنا كلنا انك بتدعى لاخوانك وانت بتدعى للدعاة والدين اهدا الصراط المستقيم. كلنا محتاجين هدايتك يا رب. وهداية اخويا كانك هاديتنى بالزبط يا رب - 00:35:25

بالزبط لان هداية اخويا هتصب في مصلحتي في النهاية. هيذكرني بالله هداية اي واحد مننا هتصب في مصلحتنا كلها. ربنا لو هدى اي حد مننا لصغر من ربنا بيفتح علينا كلنا في هذا التغافل. اهدنا الصراط المستقيم. صراط الذين انعمت عليهم. يعني ايه الصراط يا جماعة؟ يعني ايه كلمة صراط - 00:35:45

سرات على فكرة لما تيجي تدور عليها في المعاجم مش هتدور عليها في مادة سرط سرط هتدور عليها في مادة سرط سين رهطة واحد بالك معنی آآ من معانی الصراط عارف مرض السرطان؟ اهو ده جزر لغوي. من معانی كلمة آآ سرطة السرعة -

00:36:05

حسبنا الله ونعم الوكيل. حسبنا الله ونعم الوكيل. السرعة يقول لك اشترط الطعام. سرط الطعام. بلعه بسرعة. فمن معالق الطريق السريع. عارف وانت طالع على الطريق السريع ها غير خالص الطرق اللي جوة البلد دي تنجز من معاني الصراط الطريق السهل -

00:36:25

سهل يقول لك فرس سلطان بيجري ايه ؟ قمة السرعة. قمة التيسير. يبقى ايه ؟ استرق الطعام اي ابتلع بسهولة يبقى السهولة والسرعة طريق سهل. الطريق مش صعب. طريق سريع. طريق من معاني الصراط الطريق الممهد. الطريق - [00:36:45](#) معبد الممهد اللي ما فيش فيه عراقيل. يعني احده اخوانى كده يعني وكان في فتنة من الفتنة فمرة يعني باشد معه كده في الكلام يعني. فيبيقول لي انا صاحب وانا بشوف رؤى تدل ان انا صاحي وربنا بيبيع特 لي علامات. يعني ماشي ساكت فيبيقول لي ده انا شايف -

00:37:05

دؤيبة له والعياذ بالله ان هو ماشي، في سكة غلط - 00:37:25

٠٠:٣٧:٢٥ - سكة غاط - فـ هـ ماشـ هـ العاذـ باللهـ اـنـ

مش معنى انك ماهر في تفادي الحفر ان الطريق اللي انت ماشي فيه ده صح اصلا. والعياذ بالله. الصراط من معنى من معاني كلمة آآآ الصراط سلطة لها كلمة السرية. السرياتي ده الطريق الجميل بقى. الطريق الممتع. السرياتي ده اللي هو الفلووز. اللي هو السبوسة بالفسدة. السبوسة بالسمنة والفسدة - 00:37:45

البسوس بالفسدق. البسوسه بالسمنة والفخذق - 00:37:45

يعني ده اسمه السريت من مادة سلطة. يعني من معاني الصراط الطريق الجميل. الطريق طريق سهل. طريق سريع. طريق مهد.
طريق جميل. ده طريق الله طريق الله سبحانه وتعالى. طب انا مش لاقي طريق الدين كده. المشكلة عندك انت. اتنا غدائنا لقينا من سفرنا هزا. نصبا. ما هو لانك انت تجاوزت. والنبي - 00:38:05 -

صحيح البخاري قال ما مس موسى النصب حتى جاوز الميقات. ما حسش انه تعب لحد ما عدى. الحاجة اللي ربنا عداها له. اول ما تلاقي نفسك تعبت في الطريق ده اعرف انك انت - 00:38:25

تلاقي نفسك تعبت في الطريق ده اعرف انك انت - 00:38:25

فوزت بمرض الله سبحانه وتعالى. صراط الذين انعمت عليهم. غير المغضوب عليهم ولا ولا الضالين. المغضوب عليهم جت مبني للمجهول. الضالين مجتش مبني للمجهول يبقى المغضوب عليهم اشمعنى المغضوب عليهم جت كده قال لك لان من - 00:38:35

غضب الله عليه غضب عليه كل شيء. فالمحضوب عليهم من كل شيء في الكون. يبقى طب ايه الفرق بين المحضوب عليهم الضالين مغضوب عليهم اليهود والضالين النصارى. اليهود علم على المحضوب عليهم. انما المحضوب عليهم كثير. والضالين النصارى علم عليهم. ولكن الضالين كثير - 00:38:55

تب عليهم هو كل واحد دخل الطريق وعرف الصح من الغلط وغرام تاني يبقى ده اليهود ضلوا على علم. يبقى المنتكس ايه؟ ها ده ده ده والعياز بالله ده بعد ما عرف وشاف وداق وخرج. والعياز بالله. خدت بالك معن انت؟ يبقى كل اللي فهم وعرف وخرج ده ده مصيبة بقى. طب - 00:39:15

الضالين الضالين اللي ما عرفش اصلا. ما عرفش يدخل الطريق اصلا اللي هم الایه؟ زي النصارى كده. اللي هو ضل على جهل. يبقى اللي ضل على علم مغضوب عليهم. اللي ضل على جهل ايه - 00:39:36
يبقى كل من ضل على جهل ده ايه؟ النصارى علم عليهم. والعياز بالله. غير المغايير دي مغايرة. انا عايز اتغير يا رب. انت سبعة اشر مرة بتطلب من ربنا انك ما تموتتش يهودي ولا نصراني. انك ما تموتتش ملحد ولا عابد بقر. انت متخييل! سيدنا ابراهيم كان بيدعى ربنا واجنبني وبني ان نعبد - 00:39:46

سيدنا ابراهيم بيقول يا رب ما متش وانا بسجد لما نوه هبل وايساف هنا الى اخره. سيدنا ابراهيم هو ده الفهم يا جماعة. انك انت تقول اللهم يا مقلب القلوب - 00:40:06

ثبت قلبي على دينك. اللهم كان من اكتر دعاء النبي صلى الله عليه وسلم. اللهم يا مقلب القلوب ثبت قلبي على دينك. لأن القلوب يقبلها النشاء. في لحظة ما بتلاقيش قلبك والعياز بالله - 00:40:16

لاقصي حد لاقصي حد. نسأل الله سبحانه وتعالى ان يثبت قلوبنا على دينه. عشان كده في الآخر لأنك خايف ومرعوب. خايف ومرعوب فجات كلمة ايه؟ امين امين كما يقول ابن الجوزي في زاد البشير قال من اسم الله المؤمن. من اسم زي ما نتكلم في خطبة الجمعة النهاردة بقى ان شاء الله بازن الله واحنا بنتكلم في خواتيم الحشر - 00:40:27
بازن الله سبحانه وتعالى ربنا يأذن سبحانه وتعالى ومن نسأل الله ان ييسر لنا الله امين يا رب اللهم امين. ويفتح علينا ويبارك لنا اللهم امين يا رب. امين. ليه ليه الامن - 00:40:47

هنا ليه اسم الله المؤمن جه في الفاتحة؟ ما احنا لسة متتكلمين يا جماعة. يعني ترابط رهيب. ترابط الفتحة رهيب. ان مالك يوم الدين جت بعد الرحمن الرحيم ان اياك ان - 00:40:57

بعد اياك نعبد ان اهدنا جت نعبد. ان ايات معرفة الله جت بعد بعد ايات طلب الوصول الى الله. ان اه ان ترابط رهيب سبحان الله العظيم وصورة صغيرة واقل من رسالة توיתر. مية تسعه وتلاتين حرف. ما حصلتش المية واربعين حرف. رسالة تقول اللي بعت متين وتمانين حرف - 00:41:07

كمان عشان الناس مش قادرة تعبر عن فكرة واحدة في مية واربعين حرف. ربنا جاب لك ام القرآن ومعاني ومفاتيح النجاح والسعادة ومفاتيح خزان الله ومفاتيح فهم القرآن واجمال معاني القرآن. ام الكتاب في مية تسعه وتلاتين حرف. فيه اعجاز بعد كده؟ فيه اعجاز بعد كده سبحان الله الحكيم العليم. سبحان الله - 00:41:27

رب العرش العظيم. فليه تيجي امين بقى في الآخر؟ اسم الله المؤمن. ايه علاقته بقى هنا؟ احنا قلنا اهدنا الصراط المستقيم. دي كلمة واحد واقف في الصحراء تايه ضايع مرعوب - 00:41:47

مشعوف مفروع ملهوف هضيع يا رب. عشان كده ما قلتتش اهدنا الى الصراط. ما فيش في الصحراء اه يروح يمین في شمال. كلمتك امبراح عن والد صاحبنا يعني اخونا اللي اللي وقع في المركب وهم بيصطادوا في البحر بالليل وقعد يومين في البحر. يعني صاحبنا كان بيبحكي لي - 00:41:57

ده جدو بقى ده مش ابوه ده جده. ويقول لي بعد يومين البلد خرجت لقوه في الآخر ايه آآ في مكانه. مكانه ما هيروح فين؟ ما هو انت بيدين شمال هتضيع. في - 00:42:17

لا يمين ولا شمال هنا فالصحراء لا تعرف يمين ولا شمال. فانا يا رب هضبي لو فضلت مكانى هضبي ولو اتحركت هضبي. ما حدش يقول لي يمين ولا شمال. طب او مال ايه حد - 00:42:27

بياخذني من ايدي يخرجني من هنا. اهدا الصراط اهدي الطريق كله خطوة خطوة. مش اهدي الى اهدي الصراط كله قال هذا صراط علي مستقر في الآخر امين امين ليه؟ لاني خايف يا رب. خايف والعياز بالله ابقى يهودي او نصراني. خايف قلبي يتقلب غير المغضوب عليهم ولا - 00:42:37

خايف ما اوصلش. خايف ما اخرجش من المتأهة اللي انا فيها. خايف ما اعرفش طريق الذين انعمت عليهم. خايف ما اهداش في الطريق. خايف. يبقى الفاتحة انت بتقرأها بخوف الفاتحة عشان كده في الآخر امين. اسم الله المؤمن. يعني انك انت بتتلمس الامن في الطريق الى الله بالله سبحانه وتعالى سورة عظيمة مليانة - 00:42:57

حالة عظيمة عشنا معها تلات ايام متتالية. بفضل الله وبمن الله وبكرم الله سبحانه وتعالى. يعني الواحد يعني مستبشر يعني ان قرأ سورة الفاتحة عشان ربنا يفتحها علينا. وعشان تبقى فاتحة خير كده بازن الله سبحانه وتعالى. نسأل الله الهدى والسداد. امين يا رب. اللهم انا عبيدك بنو - 00:43:17

ايدك بنو امائكم نواصينا بيديك ماض فينا حكمك عدل فينا قضاوك. نسألك بكل اسم هو لك سميت نفسك او انزلته في كتابك او علمته احدا من خلقك. او استأثرت به في علم الغيب عندك. ان تجعل القرآن العظيم ربيع - 00:43:37

قلوبنا ونور صدورنا وجلاء احزاننا وذهاب همومنا. اللهم ارحمنا بالقرآن العظيم. واجعله لنا اماما وهدى ونورا. اللهم ارزقنا حفظ القرآن في صدورنا. اللهم اجعلنا من اهل القرآن. الذين هم اهلك وخاصتك. اللهم اجعل القرآن العظيم - 00:43:57

شفاء لنا ورحمة. اللهم اهدا وسددا. اللهم انا نعوذ بك من شر انفسنا. اللهم اعذنا من شر انفسنا اعزم لنا على ارشد امرنا. يا حي يا قيوم برحمتك نستغث. اصلاح لنا شأننا كله ولا تكلنا الى - 00:44:17

ظرفة عين. اللهم اشرح لنا صدورنا ويسر لنا امورنا. اللهم زدنا ولا تنقصنا. اللهم اكرمنا ولا تهنا. اللهم اثرنا ولا تؤثر علينا. اللهم اهدا ويسر الهدىلينا. اللهم انا نسألك علما نافعا. ورزقا طيبا وعملا - 00:44:37

تقبلا رب زدنا علما. رب زدنا علما. اللهم انفعنا بما علمتنا. وعلمنا ما ينفعنا. وزدنا علما. اللهم صلي على محمد اللهم صلي على محمد اللهم صلي على محمد اللهم صلي على الحبيب محمد عليه الصلاة والسلام سبحانك اللهم وبحمدك - 00:44:57

اشهد ان لا اله الا انت استغفرك واتوب اليك - 00:45:17